

عیسایه طوغری یولالانق ایچون سعادت یتیه سنی ترک ایتمزدی. یالکیز، مقدر اتنک
صلاحنه محتاج اولانلر، بویله حرکت ایدردی.

احمد صلاح الدین

اجتماع — ازدحام — قلوب

۲

۱۳ شباط بیاننامه سنک نواقص قانونیه سی

ماهیه و حکماً ایری ایری شیرلر اولان ازدحام ایله جمعیت تعیرلرینک
یکدیگری مقامنده قوللانیلمسی قوانین خصوصیه مزده بونلرک تعریفلری مفقود
بولنسندن ایلری کلمش اولسه کرکدر.

احکام موضوعه قانونیه یه یارس محکمه استینافیه سندن ۱۴ شباط ۱۸۳۵
تاریخنده صادر اولان قراره نظراً «جمعیت association منافع مشترکه معینه یی
استحصال ایچون تعهدات متقابله ایله بربرینه مربوط اشخاصک اجتماعی» صورتنده
توضیح اولنق اقتضا ایدر.

تجمع، ازدحام *rassemblement, attroupement* ایسه اولبایدکی نظامنامه
ایله مأخذی اولان فرانسه نک ۲۷ تموز و ۵ آغستوس ۱۷۹۱ نظامنامه لری
احکامنه و مشهور فوستن هلی *Faustin Hélie* و دالوز *Dalloz* فکرینه کوره:
«حکومت و اداره و اشخاصک احوال و حرکاتی حقنده کی حسیات و پسناتی ابراز
و افهام ایلمک مقصدیه طویلانان اشخاص» صورتنده تفسیر اولنق اقتضا ایدر.

بزده ۱۳ شباط ۱۳۲۴ تاریخی بیاننامه دن بشقه حق اجتماعی *droit de réunion*

تعین و تحدید ایدن نظام یوقدر. بوبیاننامه ایله تحدید ایدیلاان اجتماع: اجتماع
عادی می *réunion* یوقسه اجتماع فاسد و مضری *rassemblement séditieux* دره
شوچه تی تعین ایلمک الزمدر بیاننامه مذکورک سبک و ربطندن و معنای عمومیه
سندن مستفاد اولیورکه واضع قانون ظاهر آ اجتماع عادی شکنده فقط ماهیه فاسد، مضر

اولان اجتماعلری تحدید ایدیور. ذاتاً بیاننامه‌نك «بعض كسانك ترتیبات و تشویقاتیه میداندرده و سوقاقرده بر طاقم اجتماعات جسیعه عقدی و اصول مشروطیتك اعلانندن بری صنوف تبعه بیننده تأسس ایدن وفاق سكته دار ایده جك ماهیاده مذاكرات اجرایی متصور اولدینی حكومتجه استخبار . . . الخ» و «حكومتك مغل اسایش و منافی قانون احوالك منعه مدار اوله جق تدابیری اتخاذ ایده بیلمسی ایچون . . . الخ» عبارت لرنده مصور احوال اصدارینه سبب اوله رق كوسترلمسی و چونكه صورت خصوصیه و عادیه ده مثلاً اقامتگاه [۱] داخلنده ویا قلوب صورتنده واقع اجتماعلره اصلاً تعرض ایلمامسی مطالعه لری تأیید و تقویه ایدر.

شوقدر واركه بیاننامه مذكورك نواقصندن طولانی اداره ضابطه‌نك احكامنك تطبیقنده مشكلاته مصادف اوله جنی شه سزدر. شویله كه اتفاق نتیجه سنده اولسون اولسون ۲۰ - ۳۰ ویا ۴۰ كشی بر میدانده و یا سوقاقرده اجتماع ایتسهر ضابطهیه مراجعت ایدوب ورقه رسمیه استحصال ایلمك كرنندن بحثله ضابطه مأموری منعه قالدیشه جنی وقت اجتماعه داخل اولانلر انجق مجتمعلر ۴۰ كیشن فضل اولورسه ورقه رسمیه استحصال ایلمك مجبوریت قانونیه لری اولدینگی بیان و ضابطه مأموری ده عكسی ادعا ایتسه بیلرنده کی بواختلافی یعنی اجتماع واقع اولمق ایچون مجتمعلرك نفوسی نقدر اولمق لازم كله جکی هانکی قانون توفیقاً حل اولنه جقدر ؟ .

قوانین عمومیه مزده بوباده صراحت بولمق شویله طورسون دلالت قانونیهیه بیله مصادف اوله میورز. فرانسه ده ۳ اغستوس ۷۹۱ تاریخی نظامنامه حكمنجه: «اون بش كشی بر آرایه كلیرسه اجتماع حاصل اوله جنی اساسی قبول ایدلمش اولدینی حالد ۷ حزران ۸۴۸ تاریخنده کی ازدحامه دار نظام بوباده سكوتی اختیار ایدلمش و تقدیری محكمه یه ترك ایلمشدر. بیاننامه مذكورك فقره اخیره سنده: «بوصورتله حركت ایدلمك سزین وقوع بوله جق اجتماعاتك منع ایدلمسی» دینامش اولوب صورت منی ایه تصریح ایدلماشدر. فرانسه ده ازدحام حقنده مارالبیان نظامنامه ده بوباده صراحت كافیه واردركه ۲۱ تشرین اول ۳۲۴ تاریخنده نشر ایدیلوب

[۱] اقامتگاه تعبیرنك صورت شمولى ابروجه شایان تفصیلدر .

استقرار اسایش ضمننده پولیسره ترفیق اولنان قوه مسلحه عسکره حقهده کی
تعمیلاً تنامه نك بشنجی ماده سنك احكامنه شیه ایسهده بوماده نك حکمی انجق
«شورش انساننده جم غفیری طاغتمق وسکون واسایشی اعاده حاللرینه مخصوصدر .
[۲] بناء علیه بوماده نك حکمی ضابطه دن ورقه رسمیه استحصال ایدلمکسزین
واقع اوله جق اجتماعك منعده تطبیق ایدیلهمیه جکندن بوباده برقاعده وضع
ایدلك مقتضیدر .

فرانسهده ۳۰ حزیران ۸۸۱ تاریخلی قانونك احکام عمومیه سنه نظراً
اجتماعات عمومیه سربستدر . مقدماضابطه نك رخصتی استحصاله حاجت اولقسزین
عقد اولنه بیلور . شو قدر وارکه حقوق مدنیله لرینی حائز ایکی شخص طرفندن
اجتماع وقوعندن لا اقل یکرمی درت ساعت اول ضابطه خبردار قلنملیدر . اخبار
واقعهده سبب و مقصد اجتماع ایله عقد اولنه جفی محل و ساعت تعیین ایدیلور .
ضابطه دهخی کندیسنه بویه بر اخبارنامه تقدیم قلندیغنی مبین وثیقه رسمیه *recepissé*
اعطایه مجبوردر . انتخابات زماننده قانوناً معین یکرمی درت ساعت مهلتی ایکی
ساعته تنزیل اولنه بیلور . اجتماعات عمومیه ممرئاس اولان محللرده عقد اولنه میه جفی کی
انجق نصف اللیلدن بر ساعت اولنه قدر ممتد اوله بیلور .

مارالبیان بیاننامه نك «حق اجتماع ایچون تنظیمی و مجلس عمومی به تقدیمی
دردست بولنان «قانون» فقره معلومه سننده کی «قانون» صورتنده اجتماعی مسکوت
عنه براقه جفی استبعاد ایدلیمکدن موضوعه تعلق اعتباریله احکام عمومیه سنك
تفصیلنه لزوم حاصل اولدی . قوانین عمومیه مزده قلوبك مدلولانی مفید بر تعبیر
قانونییه مصادف اوله میورز . ژوئه Jouet یه نظراً قلوب اساساً «اوقات معینهده
اجتماع ایدوب شرائط و مکلفیت معلومه به تابع «membres permanents اعضای
دائم» ایله اشبو اعضانك رضا و موافقیته یالکزر مذاکراده اثبات وجود ایدن
«اعضای سامعین» *membres auditeurs* دن مرکب جمعیات سیاسییه در» کوریلور که
قلوبك ماهیت اساسیه سی جمعیت ایله اجتماعك امتزاجندن حاصل بر حالدن عبارتدر .

قلوب صورتنده اجتماع حق اجتماعي هرکونا قيد قانونيدن ازاده بولان حراکتلره مملکتنده وجود بولمشدر .

فرانسز لک اخلاق وادابنه کيرمسی حکومت مطلقه نك اواخر زمانه مصادقدر .
فرانسه ده قلوب صورتنده اجتماع اصوليله اتخاذ ايدلکاري مقررات و مروج اولدقلى افکار سياسي نك افراد ملتله اشرايچون توسل اولنان وسائط نشر يه ني تحيد و تقيد ايدن مختلف تاريخده احکام متنوعه وضع اولمشدر . شوبله که :
فرانسه ده حکومت مطلقه نك اواخر زمانه ده قلوب تشکيلي هر قيد قانونيدن ازاده بولندينى حالده ۱۷۸۷ سنه سنده ضابطه طرفندن پارسده کی Club politique ايله Club des Américains قبادلشددر .

۱۷۸۹ سنه سنده حکومت مطلقه يرينه مشروطيت اداره اقامه ايدلديکنده ملت مبعوثلری Club des Jacobins ه اشتراك ايدرك مجلسده موقع مذاکره يه قوانينان مواد حقنده اتخاذ ايدجکلری خط حرکتی اولدن تعيين ايدرلر .
۱۴ کانون اول ۱۷۸۹ ايله ۲۰ تشرین اول ۱۷۹۰ تاريخنده مجلس مبعوثانندن صادر اولان قرار موجبجه قلوبلرک موجودیتی اساساً تصديق ايدملکه بولرک وسائط اجرايه سی تحيد ايدر بعض قيود وضعنه لزوم کورمش و آئیده کی قرارى اتخاذ ايلمشدر : « هر نه سببه مبنی اولورسه اولسون اردويی تشکيل ايدن فرانسه »
« اسويجزملى و اجنبى طابورلر يله مخابراتده بولمغه هر جمعيت ممنوعدر . مذکور طابورلر دخى بو کبی مخابرات و مناسبانده دوام ايليه ميه جکلردر . بو قرار »
« خلافنده حرکت ايدن جمعيتله اساسى عموميه ني اخلاله تصدى ايدنلر حقنده »
« مرعى قانون تطبیق اوله جنی کبی عساكر دخى مقررات موضوعه موجبجه »
« تعقیبانه اوغرايه جکلردر . »

بو قرار قلوبلرک نفوذ و قوتی کسر و تنقیص ايلمش ايسه ده مجلس ملتله عرضحال و تقرير تقديم ايلمک حق استعمال ايلمک صورتيه مجلس عمومى يه ارزولرینی ارزوی عمومى صورتنده عرض و مقررات متخذه لرینی نشر و اعلان ايله افکار عامه ني تحديش ايتمکدن خالی قلمازلر ایدی .

محضاً بو ایکی منبع اختلالی قورومتق ایچون مجلس عمومی ۱۰ مایس ۷۹۲ تاریخی نظامنامه ایله : « عرضحال تقدیم ایلمک هر شخصک حتی اولدیغندن بشقه سنه تفویض ایدیه ماز بناء علیه هیئات انتخابیه ، اداره ، عدلیه و بلدییه » کندی نام مشترکری تحتده عرضحال تقدیم ایدیه میه جککدر . هر مستدعی « عرضحالی امضا ایلملیدر » [ماده ۱] .

هیچ بر شخص ویا جمعیت افکار و منویاتی « قرار » ویا امر و نهی متضمن « مذاکره قراری » صورنده نشر و اعلان ایدیه میه جککدر . [ماده ۱۳]
هیچ بر اعلان نام مشترک تحتده امضا ایدیه لرك تعلیق اولنیه جقدر [ماده ۱۴] کی تدابیر مانه اتخاذ ایدلمشدر .

مقررات انقه شدله تطبیق ایدیه میه دیکندن وضعندن بکلیتیلان فائده حاصل اوله مامشدر بو تاریخدن اعتباراً قلوبلرك نفوذنی کاه تحدید کاهده توسیعنی خادم مقررات اتخاذ اولندیغنی مشاهده ایلمکده ز .

۲۵ تموز سنه ۷۹۳ تاریخی نظامنامه ده : « قلوب حقنده ایدیلان هر کونا تعرض عادتا حریته واقع اولمش عد ایدیه لرك اکا کوره جزالندیرلمشدر ؛ حتی بر مأمور دائره اداره سنده بولنان قلوبی اساس و امنیت عمومی بی محافظه قباتسه اون سنه دن ایل اولماق اوزره پرائه ، بند اولور . » [ماده ۱]

مأمورک بو کی اجرا آتی تسهیل ایدن اشخاص عادیه شریک جرم نظریله باقیله رق بشر سنه پرائه یه قونیلور [ماده ۲] کی احکام شدید وضع ایدلمشدر . فقط قلوبلره قانوناً بخش ایدمش انقبالیان امتیازات واسعه چوق زمان سوره میه جکدی .

ایکی سنه صکره یعنی ۲۳ آغستوس ۷۹۵ تاریخنده شو قرار اتخاذ ایدلمشدر . « قلوب ویا جمعیت ملیه نامی ایله موسم جمعیت منفسخدر . بناء علیه بولنلرك اجتماع » ایلدکری محلل در حال قنایوب اناختارلریله اوراق ضابطه یه تسلیم ایدلملیدر .
بوقراره رغماً قانون اساسینک « سیاستله مشغول جمعیت خصوصیه تجویز اولنه ییلور » مانده اولان ۳۶۲ نجی ماده سنه استناداً اوتوده بریده برطاق جمعیت

تشکیل ابتدای که قلوب برك مقامه قائم و یواش یواش بونلرك حازر اولدقلری نفوذی اکتساب ایدرك اول زماندن بری فرانسه ده ظهور ایدن اختلال لرده مدخللری اولمشدر ایشته بوکجه جمعیتك نفوذ و وسائط اجراییه نشریه سی تحدید ایدر والیوم احکام اساسیه سی فرانسه ده مرعی نظام وضع ایدلمک اضطرار حاصل اولمشدر . نظامنامه مذکور برنجی ماده سی افرادك قیود موضوعه قانونیه به اتباع شرطیه سرپیستجه اجتماع ایده بیله جکلری اساسی قبول و تسلیم ایدیور .

قلوبك تأسیس و کشادن لاقفل ۴۸ ساعت اول یارسده ایسه پولیس مدیریته ولایتده لك بیوك اداره مأمورینه اشعار کیفیت اولمق و مأمور جانبندن بویله بر اشعار واقع اولدیغنی مبین برورقه رسمیه recepissé ویریه جکدر (ماده ۲) . قلوب برك اجتماعلری علنی اولوب بوکا تخصیص اولنان مکانك احتوا ایلدیکی نفوسك اقلی ربی اولمق اوزره اعضای دائمه دن اولمیانره حصرو تخصیص و اجتماعلر اما کن عمومیه نك کشاده بولمکلری قانوناً مجاز اولان ساعته قدر امتداد ایده بیلیر (ماده ۳) .

قادینلرله سن ریشه واصل اولمیانلر قلوبه نه اعضای دائمه نه ده اعضای سامعین دن اولمق اوزره داخل اوله مازلر .

وثیقه رسمیه بی اعطا ایدن هیئت اداره اجتماعلرده مذاکره ایدیلان موادك موضوعی تدقیق ایتمك اوزره بر مأمور مخصوص ارسال ایلعلیدر . مذاکره ایدیلان ماده ده اخلاق و آداب و قوانین عمومیه به مغایر جهات کوردیکی تقدیرده آروجه ضبط ورقه سنده درجی طلب ایللمک مأمورك صلاحیتی واردر . مأمور مذکور البسه رسمیه سی لابس اولمق شرطدر [ماده ۴] .

قلوبك اداره سنه مأمور اعضای مؤسسه اجتماعده تذکر اولنان مواد اجتماعك ختامنده ضبط ورقه سنده درج ایده رك جمله سی طرفندن امضا ایدیله جکدر [ماده ۵] . اسایش و اخلاق عمومیه به مغایر و جنایت و جنبه به مشوق و اشخاص حقنده اخبارات فاسده و تعرضاتی متضمن موادی تحت تذکره آله ماز . بر قلوب اجتماعنده ایدیلان تهدیدات علی ملاء الناس ایدلمش و قلوب مداومینه توزیع ایدیلان

اشارات مخصوصه و اوراق مطبوعه ناسه توزیع ایدلش کبی تلقی اولنسه رق اول صورتله جزالتدیرله جقدر [ماده ۶].

قلوبلر ارالرنده ارتباط و مناسبت تأسیس ایلدیه منالره نام مشترکلی آلتنده عرضحال تقدیم و مقررات متخذله رفی اعلان صورتیه تعلیق ایلدیه میه جکلر [ماده ۷]. قلوب مذاکراتنده ظاهراً و یا خفياً سلاحی حامل اوله رق اثبات وجود ایدن اوج آیدن آلتی آیه قدر حبس و اوج سنه مدته حقوق مدنیه دن محرومیت جزاسیله مجازات اولنور اوراق مطبوعه توزیع و یا نطق ایراد ایلک صورتیه له قلوبه افراد مسلحه دعوت ایدن کسه لرله اولنری قبول ایدن اعضای اداره عین جزایه مستحق اولورلر. [ماده ۸].

الیوم فرانسه ده قلوبلر حقنده بالاده تفصیل ایدیلان احکام اساسیه قانونیه تطبیق ایدلمکله برابر قانون جزائک ۲۹۱ نجی ماده سی حکمی دخی جاریدر حکم مذکور دخی ۳۰ حزب ران سنه ۸۸۱ تاریخی نظامنامه ایله تعدیل ایدلمشدر . واقعا نظامنامه مذکورک ۷ نجی ماده سی: «قلوبلر ممنوعدر» ماننده ایسه ده نظامنامه نک حین تذکرنده طوطیلان ضبطامه مندرجاستندن منفهم اولورکه rapporteur قلوب تعبیرندن انحق «یکرمی کشی بی تجاوز ایدوب بینلرنده مناسبات دائمه و معینه بولنان جمعیت» قصد ایدلش اولدیغنی افاده ایدبور.

ثاق اسقنازی

تکامل نسوان

بو حقایق و دقائقی اوروپا حکمائی ده انحق اون سکرنجی عصرک اواخری ایله اون طبقوزنجی عصرک اوائلنده اکلایه رق قادیلرک جمعیت بشریه ده بر موقع عالی اشغال ایتملری لزومی حقنده خامه ران اولمغه باشلامشدر . حکمای مذکورده دن بووادیده اک زیاده تأثیر و خدمتلی کوریلان «ده قارت» «روسو» «فهلون» و راهب «فلوری» در . موسیو «نمه مارتن» بوانسانیت مجلریزک تربیه نسوانه ، دها طوغریلی تربیه عالمیه نه صورتله خدمت ایدلکلینی ، بومقصود حقنده